

相
山
集

相

山

集

相山集

四庫全書珍本初集

別集

集

部類

詳校官左中允_臣塘五珠

主事_臣呂雲棟覆勘

商務印書館
中華書局
中央圖書館
康泰記
物院
所藏
文淵閣
本

膳錄副貢生臣杭光晉

欽定四庫全書

集部四

提要

相山集三十卷

別集類三 宋

臣等謹案相山集三十卷宋王之道撰之道
字彥猷廬州人宣和六年與兄之義弟之深
同登進士第調歷陽丞南渡後累官湖南轉
運判官以朝奉大夫致仕後以其子蘭官樞
密使追贈太師宋史為蘭立傳而不及之道

故其事蹟不詳惟先袁所撰神道碑尚在永樂大典中可以考見大畧之道嘗自號相山居士其集即以為名宋史藝文志作二十五卷書錄解題作二十六卷寶祐濡須志及濡須續志俱作四十卷尤袁碑文作三十卷彼此乖互不合今原集既亡無可復証然袁碑乃據其子家狀所書似當得其實也初金兵南伐廬州盜起之道率鄉人據險共保城賴

以全幹畧頗有足稱又其登第對策時即極
言燕雲用兵之非以切直抑置下列及紹興
和議初成之道方通判滁州移吏部侍郎魏
矧司諫曾統書力陳辱國非便尋又上疏論
之並以前書繳進大忤秦檜意謫監南雄鹽
稅坐是淪廢者二十年今原疏雖佚不存而
所與矧統二書具在集中其所論九不可和
之說慷慨激烈足與胡銓封事相匹氣節尤

不可及其他論事諸劄子亦多明白曉暢可
以見諸施行韻語雖非所長而抒寫性情具
有真朴之致盖有體有用之言固不徒以文
章工拙論矣謹就永樂大典各韻中蒐輯編
次仍可得三十卷疑明初纂修諸臣重其為
人全部收入故雖偶有脫遺而仍去原數不
遠歟乾隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

相山集卷一

宋王之道撰

五言古詩

和呂叔恭題和州香林湯

是時趙郡苦淫雨獨坐精舍中賈邵周出

示和倅呂叔恭詩頓忘
逆旅之態輒繼其韻

新詩等締繡文采照座右尤憐繼絕唱崢嶸競高秀詞
源眉山長句法杜陵舊相從今老矣豈獨歌邂逅香林
在何許湓淝發巖竇其流漸清溫脉助草木茂歲旱添

苗槁一溉十倍收追游記疇昔我僕苦痛痠別來隔兵
火荆榛挂猿狖溫溫自然湯蠲痼古非謬我聞泉所發
江海遠相透其溫本硫黃氣味自同臭大哉無礙浴天
地不輕授嚴霜與烈日冬夏特異候人生困凌薄往往
少中壽飄飄凜雪力狴犴忽蒙宥春寒不喜出塊坐撥
殘燠晦陰又連朔夜雨屢通晝誰能慰窮愁邵州有賢
守開篋出大軸令我和其後此意重虛辱勉彊忘固陋
呂侯卿相家博學靡不究會當似前人嘉猷日告后君

看華清宮誨淫似招寇當年從千官車馬所犇轅漁陽
一炬火曾不半錢售爭如寄僧房泠泠灑苔甃常遂塵
土濯永免脂粉漱

和富公權送行詩韻

公權提刑年兄與之道有四十年雁塔題名之舊
備員湖北始得見君子聯王事相從二年所以眷
予之意何翅骨肉今之道罷官以歸於分攜燕饒
之餘特出長篇寵光行色令人戀戀不能自己輒

勉彊次韻

叨塵四十年靜計所得祿十分才二三清餓似飢鵠中
昨守義陽一時苦窮促忽聞栢臺長表薦徹聰目不惟
免罪戾英游許追逐接武憲漕間寒庖見梁肉從兄逮
兩載種種荷推轂容我數百輩大矣空洞腹為憐昔同
升相看日不足芳時木芙蓉唱酬動成軸燒香每開奩
惠茗屢傾簾青青閱冬夏高視松柏獨顧我如砒砒詎
敢比良玉而兄不我鄙步驟俾繼躅是行集霰候霜威

日增肅解維在朝夕離緒可堪觸戀戀重摻袪移庖過
吾屋紫囊出巨編還我海陵錄全家被燕衍日盡繼以
燭何人繪紅鮮想見鯁項縮腹腴愧偏勸佐此一杯綠
實筐出越羅幣帛更加束酒闌兒女曹起舞應歌曲殷
勤藥石誨美疾肯滋毒新詩追古作高義激頽俗臨歧
沐寵貺固陋敢虛辱但慚水底蛙勉趑絲與竹正爾無
足道聊用資報復謙謙古君子厚德卑自牧請歌伐木
篇敬謝醜蕕速

有薦胡仁叔為歷陽令者仁叔以詩送知己暇

日楊德潤錄以示予因次其韻

四海皆兄弟三界是道場果且無彼我安用分封疆胡
公歷陽來氣焰何可當威嚴走邸吏不露太守章錦衣
榮會稽暮雨成高唐觀望改儕輩鷄羣鶴昂昂斯民苦
兵火有意哀勞傷豈無九轉丹為助千金方古來記循
吏不稱苟道將殺弟自取酷防人人所防子潛去少室
淵明戀柴桑出處雖異事一夢歸黃梁昔日骨已朽傷

哉今也亡叩國歌栢舟曹風賦鵜梁秋來河伯喜未覩
若與洋大小自有見一笑還兩忘我生分每越泉石成
膏肓棄遺等麟角空虛漫龜腸常欲埋車輪除姦繼張
綱召此人氣和致彼天時康語之有暇矣未窺夫子墻
理所不可及馬腹徒鞭長詎知王者師異日韓張良願
言三顧廬卧龍起南陽

和張詠老

三公與刺史秩等二千石人生不知足犇馳竟朝夕誰